

盧多遜

盧多遜南遷朱崖。逾嶺憩一山店。店嫗舉止和淑。頗能談京華事。盧訪之。嫗不謂盧也。曰。家故汴都。累代仕族。一子事州縣。盧相公違法治一事。子不能奉。誣竄南方。到方周歲。盡室淪喪。獨殘老軀。流落居此。意有所待。盧相欺上罔下。倚勢害物。天道昭昭。行當南竄。未亡間庶見於此。以快宿憾。爾因號呼泣下。盧不待食。促駕而去。

靈犬誌

楊光遠之叛青州也。有孫中舍。忘其名。居圍城中。族人。在州西別墅。城閉既久。內外隔絕。食且盡。舉族愁嘆。有畜犬。傍徨其側。有憂思。中舍因囑曰。爾能為我至莊取米邪。犬搖尾應之。至夜。置之一布囊。并簡繫犬背上。犬即由水竇出。至莊鳴吠。居者開門。識其犬。取簡視之。令負米還。未曉入城。如此數月。比至城開。孫氏闔門數十日。獨得不餒。孫氏愈愛畜之。後數年。斃。葬於別墅之南。至其孫彭年。語龍圖趙公師民。刻石表其墓。曰。靈犬誌。蕭柳字大珍。後梁宗室。為青州刺史。有惠愛。篤信於民。

黃魯直書扇

王榮老嘗官於觀州。欲渡觀江。七日風作。不得濟。父老曰。公篋中必蓄寶物。此江神極靈。當獻之。得濟。榮老顧無所有。惟玉麈尾。即以獻之。風如故。又以端硯獻之。風愈作。又以宣包虎帳獻之。皆不驗。夜臥念曰。有黃魯直草書扇頭。題韋應物詩曰。獨憐幽草澗邊生。上有黃鸝深樹鳴。春潮帶雨晚來急。野渡無人舟自橫。即取視之。倘恍際。曰。我猶不識。鬼寧識之乎。持以獻之。香火未收。天水相照。如兩鏡展。對南風徐來。帆一餉而濟。予觀江神必元祐遷客之鬼。不然何嗜之深耶。

禁苑猥狎

陳瑩中為予言。神宗皇帝。一日夜。後苑見牧猥狎者。問何所用。牧者對曰。自祖宗以來。長令畜之。自稚養。以至大。則殺之。又養稚者。前朝不敢易。亦不知果安用。神宗沉思久之。詔付所司。禁中自今不得復畜。數月。衛士忽獲妖人。急欲血澆之。禁中卒不能致。神宗方悟太祖遠略不及此。

鬼知參政

舊小說 丁集 宋

及死。民為立祠。千乘縣西。相與諡曰信公。嘉祐中。祠宇頽敝。主廟者賈天恩。老伶也。有王义者。金家蒼頭也。幼苦痛寒汗。不洽病。腰不能行。僂而丐。且十年。一旦人灸之。即愈。天恩教之曰。第云信公。召語。能為吾修廟。則使爾腰伸。諾之。腰即伸。於是遠近聞之。湊奔。爭施錢帛。以新廟貌。踰年。得錢數千緡。功未卒。而二人爭錢相毆。事稍諱。施者因不復來。

游僧

江南一縣。郊外古寺。地僻險。邑人罕至。僧徒久苦不足。一日有游僧方至其寺。告於主僧。且將與之謀。所以驚人耳目者。寺有五百羅漢。擇一貌類己。衣其衣。頂其笠。策其杖。入縣削髮。誤為刀傷其頂。解衣帶。白藥傅之。留杖為質。約至寺。將遺千錢。削者述所以得杖貌。相與見主僧。更異之。開羅漢堂門。鑲生凝塵榻。如久不開者。視之。此羅漢衣笠皆所見者。頂有傷處。血漬藥傅。如昔。前有一手。皆古錢。貫且朽。因共歎異之。傳聞遠近。施者日至。寺因大盛。數年。其徒有爭財者。謀稍泄。得之外氏。

冷齋夜話

釋惠洪

歐陽文忠公慶曆末宿采石。舟人酣睡。漸至月黑。公方就寢。微聞呼聲曰。去未。舟尾有答者曰。有參政船宿此。不可擅去。齋料幸為攜至。五鼓。岸上臘臘馳驟聲。舟尾者呼曰。齋料幸見還。有且行且答者曰。道場不清淨。無所得。公異之。後遊金山。與長老瑞新語。新曰。某夜還水陸。有施主攜室至。忽乳一子。俄覺腥風滅燭。大眾恐使人問其時。公宿采石之夜。其後蔡州求退之銳者。亦其前知然耶。時公自參知政事除蔡州。黃魯直熙寧初宿石塘寺。寺有鬼靈異。僧敬信之。一夕夢曰。分寧黃刑部至。僧曰。侍郎乎。尚書乎。曰。侍郎也。魯直南遷。已六十親故憂其禍大。又南方瘴霧。非菜肚老人所宜。魯直笑曰。宜州者。所以宜人也。且石塘鬼侍郎之言。豈欺我哉。魯直竟歿於宜州。較采石之鬼。何愚智相去三十里。豈魯直癡絕。故欺之耶。

雷轟薦福碑

范文正公鎮鄱陽。有書生獻詩甚工。文正禮之。書生自言天下之至寒餓者。無在某右。時盛行歐陽率更書薦福寺碑。墨本直千錢。文正為具紙墨打千本。使售於